

Ebe onuzi-eva ni iPo^{lu} o keke ghi egbo IKoritia Eni e miesuo

¹ Mhemhe iPo^{lu}, aghiusomhi na kee oyi iJesu iKirisiti ni Eshinegba o ze abi o ghole oli shi mhi khi, li shi inyoghwo awa iTimoti. Mhemhe mhi keke ebe ona ghi igbaa oyi eni e mie iJesu iKirisiti suo onayi Eshinegba ni e la eoli iKoriti ali eni a pfa na nya ni e la eke Akhaya.*

² Mhi lema Eshinegba ita awa ali iJesu iKirisiti Onomhue e ka li okhale na e, e ri ofomhe na e.

Eshinegba ona irudushi nya

³ Awa kueghie Eshinegba, ni o khi ita iJesu iKirisiti Onomhue oyawa, loli o khi ita ona ilelemhi, ni o khi Eshinegba na irudusho nya. ⁴ Loli o ri udu e shi awa o ini awa la osoli khi osoli, ni awa li dobe ri udu shi eni e la osoli o, ikhi irudusho onabi Eshinegba o ro shi awa o. ⁵ Itobo khi awa li nu iKirisiti me osoli ebubu eyoli, awa li ya rote obo oyi iKirisiti kemhi irudusho oyi Eshinegba ni o gbeku o. ⁶ Anye kha me osoli, ni a ro mholi irudusho ali imiepfuese lo. Okekha khi eri a ri udu shi anye o, ee a ri udu shi o, ni o re e mholi irabomudu ri egbe mie osoli onabi anye li ri egbe mie. ⁷ Irebenga ni anye regbenga e, o kie migha, itobo khi anye lese khi abi a li nu anye

* **1:1** Li ze Ika 18.1

mẹ osoli eyi anye, igho a li nu anye mholi okemhi shi irudusho oyanye.

⁸ Inyoghuo, anye e nono ni a lese osoli ni anye me obini Esha. Eri anye me ukpokpomhi omunu ni o ne anye abo. Ni o khia khi eri anye ke khena egbe anye eghuli ukhomhi.† ⁹ Eri anye she ri oli shi udu khi eni eghuli o mema ke ya gbe anye ke khi. Eri a me ona ini anye khi regbenga egbe anye, se ni Eshinegba tse ni o o guise oni o ghu-a le. ¹⁰ Loli o rue anye okhena eghuli ukhomhi le, o ya rue awa o le. Loli awa ri udu nga khi o ya gbo rue awa o le. ¹¹ A li ri iromhi ke kpaghie anye obo, ini ebubu egbo e me asha ri itobo oyanye kphemhi na Eshinegba, oni o pfo udu ri iromhi ni ebubu egbo e so a tse.

IPolu o mu ugbamhi eyoli pfi

¹² Anye ma tono obo udu shi o, udu oyi anye ni o o gue anye ez o gbo pfi otsese shi o, khi, angeli oyanye elemhi agbo ona ali angeli ni anye nu e ngeli, khi ikhueghie elemhi-a ali igesikia oyi Eshinegba o ri anye e gbe akanya. Oa khi ilasingme agbo anye te riele ona, ama okhale oyi Eshinegba a ro riele oli. ¹³⁻¹⁴ Emini a dobe ya ze, ni o ya gbo lo e eso anye keke ghi e. O kha rie khia khi emini anye e ngme oa lo e eso pfo ne, anye mholi o shi udu khi o ya lo e eso pfo nya elelese, ni a ri anye ke tono obo udu, abi anye li re e ya ke tono obo udu, ogbele oyi iJesu Onomhue oyawa.

¹⁵ Itobo khi mhi aa mholi akhokhomhe shi ona, mhi ro nono ni mhi kpe bhale ya bino e, ni a mholi ikhivose asha eva. ¹⁶ Mhi she gba li khi mhi bhale ya bino e ini mhia le iMasidonia ali

† 1:8 Li ze 1 iKori 15.32

ini mhia jele, ni mhi me asha mie e ikpagho ro ye eke iJudia.† 17 Eri a dabi khi mhia dobe ya lie khi emini mhi ya riele na, ni mhi riele oli? Abi khi eri mhi li abi ogbo ni o khe, "Ii." O gbolo e, "Iiye." Ini mhi ba riele oghumhe oyi ogbo? 18 Abi ungmehi oyi Eshinegba o migha shi igesikia, igho emini mhi gueye e o a li khi unu eva ni o ri utoghuo lie "Ii." Ali "Iiye." 19 Itobo khi iJesu iKirisiti Omi Eshinegba ni mhemhe ali iSivanosi ali iTimoti anye ro tse abo ye e, o a khi, "Ii." Ali "Iiye," egheghe oghuo. Ama Eshinegba "Ii," o khi.§ 20 Irari khi emiemini Eshinegba o ro nga nya, iJesu iKirisiti o rewe nya khi, "Ii." Irarigho, rote iJesu iKirisiti awa te e mie "Atse." Ni anye ro ri ufumhi na Eshinegba. 21 Ama Eshinegba o ri anye ali ee migha elemhi iKirisiti. Loli o ze awa. 22 O she shi olele oyoli shi awa egbe. O ri Ayemhe-no-pfuase shi awa udu abi olele ni o khi iyobo shi emini Eshinegba o ya riele na awa. 23 Ama mhi ze Eshinegba otsela, loli o lese udu oyemhe. Itobo khi mhi aa nono ni mhi ri elemhi ibibi nu e ngme, loli mhi aa ro ke ye iKoriti. 24 O a khi eri anye ri ekpabo gueye e emini a ya miesuo. Anye lese khi a migha gbagbagba shi irudunga. Itobo ni a mholi oghela anye ro nu e gbe akanya.

2

1 Loli o ze ni mhi roo khi, mhi aa ke gbo ya bhale deba e, ini mhi khi yese e udu-a. 2 Ini mhi yese e udu-a, oghuo o la akagho ni o ya ri egbe mu e. Se ni oni ogbo ni mhi yese udu-a. 3 Loli o ze ni mhi ro keke ebe ogho ghi e, itobo khi mhi aa nono ni mhi

† 1:16 Li ze Ika 19.21 § 1:19 Li ze Ika 18.5

bhale ya me iyese-udu-a obọ eyi eni e kha remhe ghele. Irari khi mhi lese khi ini mhia ghele egheghe agho, ee a lie ke ghele. ⁴ Elemhi ukpokpomhi osoli ali amẹ evie mhi te e keke ebe ona ghi e, ọa khi eri mhiẹ ni udu o ba yese e-a, ama ni a ro lese abi mhi nono ingme oye nya ramhi. ⁵ Ama ini ọgbokhoghuo o pfi iyese udu-a, ọa khi mhemhe o mema lolo yese udu-a, ama ee nya o rote opfoghuo yese udu-a. Ama khi, mhia nono ni mhi ngme o li ze dose ana. ⁶ Osoli ni ebubu e e lama shi a na ogbọ onana, e bu. ⁷ Ama a ro topfa li a gbo ri udu shi o li o, ini o khi yese udu-a dose ode, ni o te ya pfanọ ku o li alo. ⁸ Mhi lema e, a ze ni o lese khi egbegbo a nono ingme oyoli. ⁹ Eri mhi mu e fe bino ni me ini a ri ungmehi oyemhe ya gbe akanya. ¹⁰ Ini a ro topfa ọgbokhoghuo shi emini o riele, mhemhe mhi li ro topfa li. Ini o khia khi mhi mhue emini mhi kha ro topfa, mhi she ro topfa. IKirisiti o khi otsele oyemhe khi mhi she ro topfa. ¹¹ Egheghe agho, okphaghiẹ ọa me ashikhoghhuo regbenga dobe mu awa o ya le, itobọ khi awa aa khi eni ea lese igbamhi eyi okphaghiẹ.

Egbe akanya ena ishobo onogbo

¹² Abi mhi ro bhale iTiroasi ya gue usomhi onete oyi iKirisiti le, mhi me o li khi Eshinegba o khueghie ode-a na me shi akanya oyoli, shi oobo. ¹³ Udu oyemhe ọa sheshe, itobọ khi mhi aa me iTatosi oobo. Igho mhi tse egbo ena obo okhila, mhi ya je iMasidonia.*

¹⁴ Ama, awa kueghie Eshinegba. Loli o ze ni iKirisiti o ro ri awa la orolo ni a la mie obo abi eni e

* **2:13** Li ze Ika 20.1

mu o le. O ri awa ri ilẹṣe oyi iKirisiti e gbhiaku asha kpa abi ikphela. ¹⁵ Eshinegba o she ri awa mele ighiusomhi eyoli-a, ni awa ba ri usomhi onete oyoli gbhiaku asha kpa, abi ikphela oyi ituale ni o o pfie o lie gbhiaku, ni o lo iteva egbo eni a mie e pfuese ali eni e nono ni wewe e pfua. ¹⁶ Uwemhi ugbọ oyi eghuli, usomhi oyawa ona o khi shi eni e ya pfua, ama upfiemhi oyi agbo o khi shi eni a mie e pfuese o. Oghuo o dobe gbe onana? ¹⁷ Anye aa khi eni e ri ungmehi oyi Eshinegba nono e pfue abi egbo eghuo e li. Ama ighiusomhi eyi Eshinegba ni e ri igesikia ngme ungmehi oyoli anye khi. Ekpabo oyi iKirisiti anye ro gue usomhi oyanye le. Eshinegba o khi otsele oyanye.

3

Eni ee ga ena ishobo onogbo

¹ Oa ya li abine khi eri anye ke e titi egbe anye mena? Anye ea li abi eni e mie ebe ni a titi we shi neni e tsabo ungmehi ye e, ali ni e kha gbolo te agho vu e gbo mie e ebe oghoghọ olese? Anye ea mhọli emini anye ri ebe eghoghọ o riele. ² Ee oye e a khi ebe oyanye ni a keke shi ekelemhi udu oyi anye ni egbo nya e me ee ze. ³ Eri o rokhase khi ebe ni iKirisiti lolighuo o keke, a khi. Itobo khi a mie itsabo ungmehi oyanye suo. Oa khi ogbọ o ri atsu keke e shi ebe, ama Ayemhe oyi Eshinegba o keke e. Oa khi ukiekiemhi eche o keke e shi ama elemhi udu oyi egbo.*

⁴ Onana o khi iregbenga ni anye mhọli na Eshinegba rote obọ oyi iKirisiti. ⁵ Oa khia khi eri

* **3:3** Li ze Okiali 24.12; ijere 31.33; Ezik 11.19; 36.26

anye ghò guẹ ẹ gbe oni akanya ona, ama Ẹshinegba ọ ri iguegbe-akanya ona na anye. ⁶ Lọli ọ ri anye khi eguegbe oyi akanya igue ungmehi oyọli le, na ishobọ onogbọ, ni ọa khi oni a keke shi ebe, ama ena elemhi Ayemhe. Irari khi emini a keke shi ebe, eri o ri eghuli ẹ bhale, ama Ayemhe o ri agbọ a na ogbọ.†

⁷ Ushi oyi iMosisi ni o ri eghuli bhale, ni a keke shi ikiekiemhi eche, ufumhi ni o ge nyanyanya, ni ọọ kala, o deba bhale. Ini oni ufumhi ona ni o ze khi egbọ iZireni ẹa ke dobe ẹ bino iMosisi alo ukhomhi tatata, o kala,‡ ⁸ Seẹ ufumhi oyi ikanya eyi Ayemhe ni o ri agbọ a na ogbọ o ke beshi ya li? ⁹ Ini ufumhi o la ugamhi ni o ri eghuli ẹ bhale, seẹ ugamhi ni o ri ipfuase ẹ bhale ọa li ya mhọli ufumhi oni o fune? ¹⁰ Itobọ ona, awa dobe ya lie khi emini o kpe lighọ mhọli ufumhi ni o ge nyanyanya elele, ọa ke mhọli ufumhi, itobọ ufumhi oyi emini o ke to-ẹoli ọli. ¹¹ Ini emini oo kala, o mhọli ufumhi, seẹ ufumhi ni o la oni o migha agbọagbọ ọọ lie fu ne.

¹² Itobọ khi anye mhọli oni irudushi ona anye ro li ghọ mhọli igbeudu. ¹³ Anye ẹa li abi iMosisi ọ li, ni o ri ijejeti ku alo ini egbọ iZireni e khi me abi oni ufumhi ni oo ge nyanyanya ogho, ọ li i kala li alo-a. § ¹⁴ Ama eri a guese we udu, irari khi ramhi amo, eri a kie ri oni ijejeti ogho ku we alo, ini ee ze ebe ishobọ ona elele. Ini ogbọ ọ ro ghi iKirisiti ko tse, ọ ro ọ rue ogbọ oni ijejeti alo-a. ¹⁵ Igho o kie li ogbe na amo, eri ijejeti o kie guese we udu ini ee ze oni Ushi

† **3:6** Li ze ijere 31.31 ‡ **3:7** Li ze Okiali 34.29 § **3:13** Li ze Okiali 34.33

oyi iMosisi. ¹⁶ Ama ini oḡbọ da mupfi bhale deba Ọnọmhuẹ ne, ọ rue ọli oni ijeḡeti ode-a.* ¹⁷ Ọnọmhuẹ ni a ngme shi akana ena, lọli khi iKirisiti, Ayẹmḡe oyọli ọ te ẹ gbe akanya, ali khi ashini Ayẹmḡe oyi Ọnọmhuẹ o da la ne, ẹpfua o la akaghọ. ¹⁸ Alo eyawa nya ni aa ri ijeḡeti ku, o ri ufumhi oyi Ọnọmhuẹ ẹ gẹ nyanyanya abi ughegbe. Oni ufumhi oghọ, obọ oyi Ọnọmhuẹ o te bhale, ni ọ khi ọni Ayẹmḡe. Lọli ọ mu awa pfi ya li abi lọli, rọte ufumhi ni o rue ẹ nga ọ.

4

Osoli ali ọsuemḡe ni e la akanya oyi iKirisiti

¹ Irarighọ, aborọkhia khi ilẹlemhi oyi Ẹshinẹgba anye rọ mie akanya igue ungmehi le ona eghọ, lọli egbe ẹa rọ pfo anye-a. ² Eri anye ri ochoghọ she kie angeli osheli ali omama. Anye ẹa ya ngeli angeli ikpamhika wẹkhi eri anye ẹ mu ungmehi oyi Ẹshinẹgba ukhomhi pfi kpọkẹ. Ochoghọ eri anye ri emini e khi igẹsikia khaseḡ gboo, abi o khi shi ukpẹloe oyi Ẹshinẹgba. Onana o ri ẹgbọ mie shi ọ khi eni a ri egbe ẹ nga anye khi rọte udu oyẹwẹ ni ọọ gue wẹ ẹzọ. ³ A kha usomhi onete ni anye gue ẹ le sheli, eri a rọli sheli na eni e ya pfua. ⁴ Ọkphaghie ni ọọ mhese ẹ shi agbọ ona, ọ she zuse ẹgbọ ni ẹa miesuọ udu ini e khi mẹ ákpá ali ufumhi ni o la usomhi onete oyi iKirisiti, ọni lọli ali Ẹshinẹgba e li abeghuo tee. ⁵ Irari khi anye aa ri egbe anye tse abọ, ama iJesu iKirisiti anye rọ ọ tse abọ, khi lọli ọ khi Ọnọmhuẹ, ali khi eni ẹẹ ga enaye ẹ anye khi, irari oyi iJesu. ⁶ Ebe-no-pfuase ọọ, “Ẹshinẹgba ọ gweye ákpá o rọte alo ebili gẹ lasele.” Mena

* **3:16** Li zẹ Okiali 34.34

oni Ẹshinẹgba o ri ákpá oyọli e gẹ shi elemhi udu oyanye, ni ẹẹ a rọ lẹsẹ khi ufumhi oyẹluẹ khi, alo eyi iJesu iKirisiti a te e mẹ ọli.*

⁷ Eri anye li abi akhe afue ni a ri oni eṣfue onana shi. Ona o rọkhasẹ khi ekpabọ eniẹmhi, obọ oyi Ẹshinẹgba e te e bhale, ọa khi obọ oyanye. ⁸ Isheghuo a na anye osoli, ama ọa pfuse anye-a. Isheghuo anye mhọli akhọkhọmhẹ, ama anye ẹa la okhẹna. ⁹ A mẹ anye omi olimhi ama Ẹshinẹgba ọa tsua anye pfi-a. A gbe anye de eke, ama anye e ghua. ¹⁰⁻¹¹ Ogbẹlẹ kpa anye rọ la okhẹna eghuli itobọ oyi iJesu. Eri onana ni anye e mẹ egbe o li abi irokhọkhọ eghuli ni iJesu o ghu, eghẹghẹ aghọ ni o ri egbọli khasẹ elemhi agbọ oyanye. ¹² Onana o guele khi akanya ni anye gbe e na iJesu, eri o ri anye la okhẹna eghuli ogbẹlẹkpa, ama agbọ onogbọ o rọ o na e. ¹³ Ebe-no-pfuasẹ ọọ, “Irari khi mhi mhọli irudunga mhi rọ ngme.” Oni ayẹmhẹ irudunga onana, anye li rọ ngme.† ¹⁴ Anye lẹsẹ khi Ẹshinẹgba ni o rọte eghuli guise iJesu Onomhue le bhale agbọ o ya li rọte eghuli guise anye le, o rue anye ali ẹẹ bhale odalo oyọli. ¹⁵ Itobọ oyẹẹ a rọ riẹlẹ enana nya, ni ebubu ẹgbọ e lẹsẹ okhale ni Ẹshinẹgba o li, isheghọ ni e ke sọ iromhi ikphẹmhi ri ufumhi na Ẹshinẹgba.

Agbọ irudunga

¹⁶ Itobọ onana, egbe ẹa tigbe ya pfo anye-a, ini anye ririẹ kuanọ-a pfo, ama ogbẹlẹ kpa ekelemhi udu oyanye o rọ o khi onogbọ-a shi o. ¹⁷ Eri ikuku osoli ni ẹa ya tẹsẹ eyi anye, e muno anye egbe e khe

* **4:6** Li zẹ Igbae 1.3 † **4:13** Li zẹ Iwolo 116.10

ufumhi na agboagbo. Loli o ze khi osoli eyi anye e li abi emhi afue shi anye o. ¹⁸ Emini aa me eloe ea ya la o agboagbo, ama emini aa ya me eloe ee la o agboagbo. Loli o ze khi anye ri udu oyanye shi emini aa ya me eloe.

5

Apfe oyawa na iloghie

¹ Anye lese khi ini idiegbe oyanye ona, na elemhi agbo, ni o li abi okholo, o ghua, anye mholi idiegbe olese ni o rote obo oyi Eshinegba bhale. Ikhi idiegbe no o a ya ghu ni o la iloghie, owa ni o a khi abo a ro mama li. ² Memena eri anye la oni elemhi idiegbe na agbo ona a to ekperumhe-a, irari khi eri o o ghole anye ni a kpha oni owa na iloghie so anye. ³ Itobo khi ini a roli so anye, anye ea ke ya la irumheba. ⁴ Irari khi abi anye kie li la idiegbe ona agbo ena, eri anye e to ekperumhe-a abi eni egbe e to. Oa khi eri anye ea ke nono ni anye ke la oni idiegbe oyanye ona, ama eri o ghole anye ni a ri idiegbe na iloghie ni o a ya ghu ghue egho so anye. Eghenge agho ni agbo o to idiegbe ni o o ghu lue elemhi imuole. ⁵ Eshinegba o ma anye shi agbo na agboagbo ona, loli o gbo ri oni Ayemhe shi anye egbe ni o khi iyobo khi loli ya riele emini o ro nga na awa. ⁶ Irarigho, anye ro o mholi igbedu eghenge kpa.

Anye gbo lese khi ini anye kha da la apfe elemhi idiegbe oyanye ne, anye ea ke nu Onomhue la. ⁷ Ama irudunga o ri anye la agbo, o a khi emini anye ri ukpelo me, o ri anye la agbo. ⁸ Udu oyanye o migha gbaa shi o, khi, oo kha ti anye eloe ni anye

lase idiegbe oyanye ona le, ni anye nu Onomhụe la apfe. ⁹ Irarigho, eri anye ro li shi udu oyanye khi anye mema ya riefe emini o ghole oli, okekha khi anye ke la apfe elemhi idiegbe oyanye o, okekhi anye ea la apfe elemhi idiegbe oyanye. ¹⁰ Irari khi awa nya, awa mema bhale ya migha odalo ukpekhomhi iguezo oyi iKirisiti, ni ogbogbo o ro mie ifata ni o khi oyoli, shi emini o riefe abi o ro la idiegbe oyoli, shi oni o ti o, shi oni o ti.*

Akanya iri-egbo ali Eshinegba riefe

¹¹ Irarigho, aborokhia khi anye lese emini inulishi oyi Onomhụe o khi egho, loli anye ro roshaka roli e lo egbo eso. Emini anye khi o ga khueghie-a shi Eshinegba o, anye gbo sa khi o gbo ligho khueghie-a shi udu oye, ni o o gue e ezọ. ¹² Oa khi eri anye titi egbe anye e khasa e, ama eri anye ri eghenge e na e ni a me asha ri anye ke gha. Eghenge agho ni a me emini a ya so egbo eni e ri emini ri ukpeloe e me e gha, ocho ni e kha ro ri emini e la udu, ke gha. ¹³ Ini anye ea ke lese emini anye e riefe, irari oyi Eshinegba lo, anye kha ke lese emini ee riefe o, irari oye e lo. ¹⁴ Inono oyi iKirisiti o mhesa e na anye, itobo khi anye me oli me khi ogbo otuoghwo o ghu-a na agbo nya, irarigho eri awa li ghu pfa olamhe. ¹⁵ Eri iKirisiti o ghu-a na ogbokpa ini eni e la agbo e khi ke la agbo na egbe we, ama ni e ke la agbo na oni o ghu-a ni a gbo guise le na we.

¹⁶ Itobo igho, rote ana je odalo, anye ea ke ri ukpeloe ni egbo na agbo e ro bino egbo ke bino ogbo khoghwo. Ini o rirife khia khi anye kpe lina

* **5:10** Li ze iRom 14.10

ri ukpelo e agbọ bino iKirisiti egheghe ni o dose, anye ẹa ke ligho. ¹⁷ Irarigho, ini ogbo o da she ku ma iKirisiti o ne, ogbo onogbo ni a lese ma o ke khi, agbo onodi o she dose, agbo onogbo o ke la. ¹⁸ Eshinẹgba o ga riẹle eni emhi enana nya. Lọli o ri awa ni awa kpe khi ebe o li nu egbeoli riẹle, rote obọ oyi iKirisiti. O ri akanya na awa, awa ro ke ri egboese nu lue riẹle. ¹⁹ Eri Eshinẹgba o ri egbo na agbo nya nu egbo li i riẹle rote obọ oyi iKirisiti, ni o khia khi Eshinẹgba o ri olamhe mu ota so we. Igho o she ri usomhi ni a ro ri egbo ali Eshinẹgba a riẹle nga awa obọ. ²⁰ Irarigho eni e to eloli iKirisiti awa ke ri irarigho khi, ni o ro li abine khi eri Eshinẹgba o rote unu oyawa a lema egbo. Anye lema e na iKirisiti, a ka nu Eshinẹgba ro riẹle. ²¹ Eri Eshinẹgba o ri iKirisiti ni o mhọli olamhe mele ona olamhe itobo oyawa, egheghe agho, ni awa me asha rote iKirisiti mhọli ipfuase oyi Eshinẹgba.

6

¹ Abi eni we we ali Eshinẹgba e ga a gbe akanya oghuo, anye lema e, a khi ze ni a mie okhale oyi Eshinẹgba shi afue. ² Irari khi Eshinẹgba o o li e,
 “Abi egheghe ni mhi ro ya
 riẹle isomhelemhi na e,
 o ro ramhi,
 mhi ri eso shi e eke,
 abi ogbele imiepfuese
 oye o ro ramhi,
 mhi kpaghie e obọ.”
 Mhi gueye e khi memena o khi egheghe
 isomhelemhi, amo khi ogbele imiepfuese.*

* 6:2 Li ze Aza 49.8

³ Anye ẹa ya pfi ọzuode shi ọgbọkọghuo ode, ini ẹgbọ e khi mẹ emini ọa ti okhọghuo gue shi akanya oyi Ẹshinẹgba ni anye ẹ gbe. ⁴ Ama abi ighumha eyi Ẹshinẹgba ni anye khi, eri anye ri emini anye khi khasẹ odekhole, abi anye li ri egbe mie osoli ali umhamẹ ali iyese-udu-a. ⁵ A gbe anye itali, a gbo mu anye shi ọgba-ighumha, a la onyaghu kuale anye utse, anye gbe akanya agbeghua, anye mhue umha-ke-lesẹ ali okiamhi.† ⁶ Ama anye kie la elemhi ipfuasẹ ali ileşẹ, ali irabomudu ali isomhelemhi, rote Ayemhẹ-no-pfuasẹ ali inono ni o rote udu igesikia lasele. ⁷ Anye ẹ ngme ingmemhi igesikia, ali ekpabọ oyi Ẹshinẹgba o la anye egbe ẹ gbe akanya. Akhegbe oyanye khi igue-ngeli odalo oyi Ẹshinẹgba, abi okhọli-okhue ọ liẹ mu itsua okhọli mhue obita ali ọgobọ. ⁸ A ri ekpe na anye a gbo yeghe anye-a, a ngme onete oyanye, a gbo ngme onobe oyanye. Anye ẹgbọ igesikia, a lu anye elo-egbhue, ⁹ E li anye abi eni aa lesẹ, ama a kie lesẹ anye, a li anye abine khi eni e ghuloa anye khi, ama, a mẹ ọli mẹ khi anye kie la agbọ. A na anye osoli ama aa gbolo anye-a, ¹⁰ Anye mhọli iyese-elemhi-a, ama anye kiele e ghele, anye li abi eni ẹa mhue, ama eri anye ri ebubu ẹgbọ khi eni e pfue. Anye li abi eni ẹa mhọli emhi khọghuo, ama emhikpa anye mhue.

¹¹ Ẹgbọ iKoriti, anye she ri igesikia nu ẹ ngme, anye khueghie udu oyi anye-a gbodogio deba ẹ. ¹² Anye ẹa ti egbe je ukhokho inono ni anye mhọli na ẹẹ, ẹẹ tşẹ ąą ke nono anye. ¹³ Irarighọ, mhi nu ẹ ngme abi eniye eyemhẹ, a li mhọli usamhi nabi

† 6:5 Li zẹ Ika 16.23

anye sa deba ẹ na anye. A khueghie udu oye ẹ-a na anye gbodogio.

¹⁴ Khi ze ni u nu oni o a miesuo ke riele emhi kugbe. Se, igesikia ali egholi e li gue la asheghuo kugbe? Elo o ku akpa ali obili gbe? ¹⁵ Elo e ku iKirisiti ali Okphaghe? Abi elo oni o miesuo ali oni o a miesuo e mholi kugbe? ¹⁶ Ilama-kugbe onoghuo o la Owa Oyi Eshingba ali ikhumhi o? Irari khi Owa Oyi Eshingba ni o la o, awa khi, ezeze abi Eshingba o ngme oli khi,

“Mhi ya la we elemhi,
mhi la we iteva a kia,
mhi khi Eshingba oyewe,
we we e khi egbo eyemhe.”[†]

¹⁷ “Irarigho, a rote we iteva lasele,
ni a khi oda shi we o,
ali a khi ri oboto
emini o a pfuase,
egheghe agho
ni mhi ti e mama egbe.”

Eshingba Onomhue no fune nya,
o ngme na. §

¹⁸ “Mhi ya khi ita e,
ee a khi imimhe
emose ali ikpotso.”

Eshingba Onomhue no fune nya
o ngme na.*

[†] **6:16** Li ze iLev 26.12; Ezik 37.27; 1 iKori 3.16; 6.19 § **6:17** Li ze Aza 52.11 * **6:18** Li ze 2 iSam 7.14; 1 Okhe 17.13; Aza 43.6; iJere 31.9

7

¹ Aborokhia khi awa mholi ishobo ena, emole mhe, awa kpe idiegbe ali ayemhe oyawa-a, rote emini e ri ichimhi e shi ogbo egbe ali ayemhe nya. Awa ke roshaka ini awa dobe ramhi iropfuase pfo nya, itobo khi awa a na ulishi Eshinegba.

Igbaa oyi eni e mie iJesu iKirisiti suo e ri egbe mu iPolu

² A khueghie udu oye e-a na anye. Anye ea li ogbokhoghuo onobe, wekhi eri anye yese ogbokhoghuo udu-a, uke-li e khi eri anye li ogbokhoghuo le. ³ Oa khi eri mhi ngme ona ro pfuече e-a, irari khi mhi kpe ngme oli khi ingme oye e o la anye elemhi udu ramhi ni anye ro ya lama nu e ghua, okekhi ni anye ro nu e la agbo. ⁴ Mhi lolo regbenga e, mhi ma re e gha gba. Elemhi osoli ni anye me nya, eri iridushio ali oghel e oyanye o vo o tsuakua.

⁵ Irari khi abi mhi ro lo iMasidonia le, idiegbe oyanye ona oa mholi iyemhe okhoghuo. Ode-khode a na anye osoli, eghuo e nu anye wola, ulishi o la anye udu.* ⁶ Ama Eshinegba na irudusho, ni o ri udu e shi oni egbe e pfo-a o, o ri iTatosi ni o bhale ri udu ke shi anye o. ⁷ Oa khi ibhale oyoli tse o ri udu shi anye o, ama abi a li ri udu shi oli o. O gbo gueye anye abi o lie ghole e ni a me mhe, ali abi a li vie oya, ali abi ingme oyemhe o li mu e egbe. Irarigho, oghel e oyemhe o ro fu dose abi o kpe li ghue.

⁸ Ini ebe ni mhi keke ghi e, o ri iyese-udu-a na e, oa limhe egbe abine khi emini oa ti ni mhi riele. O kie remhe chima, mhi me khi ebe oyemhe o re

* 7:5 Li ze 2 iKori 2.13

¹ Inyoghuo, anye e nono ni a lẹsẹ afu ni Eshinegba o ro na igbaa nya eyi eni e mie iJesu iKirisiti su o ni e la eke iMasidonia. ² Eri a rote osoli ni e me mu we fe bino, ama eri e kie ri ukpokpomhi oghelẹ e somhopfa, abi o riẹ khia khi ẹa mhuẹ. ³ Mhi gue ọli e ye e egbegbo khi eri e pfue elemhi somhopfa dose ashini e mhuẹ ramhi. ⁴ E lema anye, anye kpekpe anye ze ni wewe e mholi okemhi shi oghelẹ ni o la irikpaghiobo na egbo eyi Eshinegba ni e la eke iJudia.* ⁵ Eri e ga riẹle dose abi anye sa khi e li ya riẹle. E kpe te odode ri egbe we na Onomhuẹ, neni e ke ri egbe we na anye abi Eshinegba o nono ni e li riẹle. ⁶ Irarigho, anye ro lema iTatosi, oni o re e bele oni egbegbi akanya ona, o kpaghie e ni a ri eminete ni a gba eke le ramhi ukpese. ⁷ Eri a gue e riẹle emhikpa dose egboese nya. A toto irudunga ne, a gue e ngme emue ne, a gbo lese ne. A ma nono ni a rue obo-a, a gbo nono ingme oyanye ne. Zobe ni u dose ogbokpa okpokhe ilili.

⁸ Oa khi itoto mhi ro mhese ọli na e ama eri mhia mhese igesikia ni o la inono ni a mholi bino, abi mhi li roli e khokho omuegbe ni egboese e mholi na anye. ⁹ A lese abi okhale oyi iJesu iKirisiti Onomhuẹ oyawa o li, khi aboriẹkhia khi oni o pfue o khi, eri o ri egbe ọli mele ona umhamẹ-a shi itobo oye e, ni o me asha ri umhamẹ oyoli re e pfue.

¹⁰ Ude ni mhi ya ye e ena, ni o ro ti e egbe lo: O ma ti ini isomhopfa ni a te eke bele aolukpe ni a roli ramhi ukpese, abi a li kpe te odode khi eni e mholi oghumhe somhopfa, ni e gbo somhopfa. ¹¹ A zobe ni a pfuse oni akanya gbe pfo, ni abi o li te eke mu

* **8:4** Li ze iRom 15.26

ẹ egbe ni a rọ somhopfa, ni a lighọ somhi oni opfa abi abọ e tẹ ẹ. ¹² Emini a mhọli ọa mu Ẹshinegba ẹloe. Emini o mu ẹloe khi abi a li mhọli ọghuẹmhe ni a rọte emini a mhue somhopfa, ọa khi oni aa mhue, áá bino.

¹³ Ọa khi eri mhia mie ẹgbọ eghuo itsua shi eke ni mhi rọ ri itsua na ẹgbọese tsua. Ama ni a ga li abeghuo. ¹⁴ Aborokhia khi a mhọli gbeku o memena egho, o ti ni a kpaghiẹ eni ẹa mhue obọ. Ini wẹwẹ e ke li mhue gbeku o ẹlelese, ni ẹẹ aa ke rọ mhọli, wẹwẹ e li kpaghiẹ ẹ obọ, ishegho o guẹ ti ẹ egbe abeghuo. ¹⁵ Abi a li keke ọli shi Ebe-no-pfuase khi,

“Oni o ti ẹ gbili
 ọa ya tigbe mhọli gbeku o,
 ama oni o ti ikukuwẹ gbili,
 emhi khoghuo
 ọa tigbe ẹ baliku.”†

A ghie iTatọsi je iKoriti

¹⁶ Mhi kphemhi na Ẹshinegba ni o li ri omuegbe onabi mhi mhọli na ẹ, shi iTatọsi udu. ¹⁷ Irari khi ọa khi eri o lese lama shi emini anye lema li o riẹle tse, ama eri o she kpe la li udu khi loli ẹ bhale deba ẹ. ¹⁸ Anye li ghie inyoghuo ọoghuo deba li ẹ bhale. Ogbọ ni a ga lolo mu ekpe ẹ na elemhi igbaa oyi eni e mie iJesu iKirisiti suo nya shi akanya itsabo usomhi onete oyi Ẹshinegba o khi. ¹⁹ Ọa khi ogho tse, eri eni igbaa nya eyi eni e mie iJesu iKirisiti suo, e ze ọli o deba anye kia abi anye li tsua eni isomhopfa ikpagho ni anye rọ ya na ẹ kia. Ikhi ikpaghiobọ ni e ya ri ikuẹghie ghi eva oyi oni

† **8:15** Li ze Okiali 16.18

Ọnọmhuẹ, ni o rọkhasẹ khi anye mholi ọmuegbe rọọ kpaghiobo.

²⁰ Anye ẹa nono ni ọgbọkhọghuo ọ mẹ emhi akhọkhọmhẹ okhọghuo gue shi abi anye li ri isomhopfa ikpaghọ okpokhẹ ena kia. ²¹ Emini o zẹ khi anye lina riẹlẹ ọli khi, eri anye rọshẹka ni anye rọkhasẹ khi anye guẹ ri eni isomhopfa ikpaghọ ena kia. Oa khi odalo oyi Ẹshinẹgba tẹ ama li shi odalo oyi ẹgbọ nya.†

²² Anye gbo li ghie inyọghuo ọlese ma aava ena egbe ẹ ghi ẹ. Anye she mu ọli fẹ itingmingmẹ, anye mẹ ọli mẹ khi ọ ma nono ni lọli kpaghiẹ obo. Eena o mema ghọle ọli ọ rọ kpaghiẹ obo, eena ni ọ she mẹ khi eni a ri egbe ẹ nga a khi. ²³ ITatọsi ọnuzava oyemhẹ ali oni anye ga a gbe akanya kugbe ọ khi, ama inyọghuo awa enekpọle, etoelọli igbaa nya eyi eni e mie iJesu iKirisiti suọ, ni e ri ufumhi na iKirisiti. ²⁴ Irarighọ, a ri inono oyẹẹ khasẹ eni ẹgbọ ena, ali emini o zẹ ni anye rọ rẹẹ a gha, ni igbaa eyi eni e mie iJesu iKirisiti suọ e mẹ ọli.

9

Ikpaghiobo ni a rọ na ẹgbọ eyi Ẹshinẹgba

¹ Mhi aa kha ke gbo kẹkẹ ingme ikpaghiobo ni a nono ni a rọ na ẹgbọ eyi Ẹshinẹgba ni e la eke iJudia shi ebe ghi ẹ. ² Mhi lẹsẹ khi ọọ ghọle ẹ ni a rọ kpaghiẹ obo, mhi gbo rọli rẹẹ ẹ neta ọmọsẹ khasẹ ẹgbọ na obini iMasidonia, khi aolukpe, ẹẹ ni a la Akhaya a te muegbe ni a rọ ya kpaghiẹ obo, ali khi ọmuegbe oyẹẹ o she li guise ẹgbọ eghuo le, ni e rọ li riẹlẹ ikpaghiobo. ³ Ama eri mhi ghi inyọghuo awa

† **8:21** Li zẹ Ekpi 3.4

ena ghi ẹ ni a rọ mu egbe shi eke, ini eta ọmọse ni anye rẹ ẹ na shi isomhopfa ni a somhi, o khi li abi afuẹ ni anye rẹ ẹ na eta ọmọse, ama ni o kie khi abi anye ẹ khi a li. ⁴ Irari khi ini ọnge iMasidonia ọkhọghuo ọ deba mhe bhale, ni aa rọ mu egbe shi eke, omama o ya mu anye shi abi anye li ligho beshi regbenga ẹ rẹ neta ọmọse. Eẹ omama o ya mu nẹ. ⁵ Lọli o zẹ ni mhi rọ ghie eni inyọghuo awa ena ralo na mhe, ni e ya muegbe isomhopfa okpokhe oyi ukpago, ni ẹ khi a ya rọ bhale shi eke neni mhi bhale. Eghẹghẹ agho ni a rokhasẹ khi eri o pfo ẹ udu li oni okpokhe ni ọa khi oyi ichiobo.

⁶ A sato khi oni ọ chi-obo ri emhi ko khi ukukuọ ọ ya me khiẹse. Oni ọ ri emhi ko tuo, emini e bu o ya me khiẹse. ⁷ Ogbogbo ọ ri irarigho ke rona abi o pfo ọli udu, ama ọ khi ri iwolo rona, ali o khi li abine khi oni a ri ekpabo rẹ ẹ rieḷe, irari khi Eshinegba ọ ma nono oni ọ ri oghẹḷe ẹ rue obo-a. ⁸ Eshinegba ọ doḷe ya ri ikhivoḷe ni o doḷe oni a nono na ẹ, ni a rọ bhale ya ẹ khi a mholi emhikpa gbeku ọ doḷe abi a nono ọli shi, ni a rọ doḷe ke rieḷe eminete khi eminete na egbọese eghẹghẹ kpa. ⁹ Ezeze abi a li keke ọli shi Ebe-no-pfuase, ni ọọ,

“O li okpokhe tuotuo,

ọ somhi eni ẹa mhue opfa,

ogbo ọa ya yeḷe

igue-ngeli oyoli-a ghue

agboagbo.”*

¹⁰ Eshinegba ni ọ ri ukpamhi ẹ na ogbo rọ ko, ọ gbo ri eminale na ogbokpa a le. O ya gbo ri ikpamhi ni a rọ ọ ko ghi ẹ, ọ gbo rẹwe zẹ, ọ rẹwe fu ni a me

* 9:9 Li zẹ Iwolo 112.9

khieṣe. Ishegho ni onete ni u riēle na eḡbo o mo umomhi ne, ni u pfa le.† ¹¹ O ya re e pfue odekhode ni a ke li okpokhe eghēghē kpa, ni ebubu eḡbo e ke kphemhi na Eshineḡba ini anye tsua isomhopfa eyeḡhi we. ¹² Oni ugamhi ni a lina ri okpokhe oyeḡona ga ena, o a khi eḡbo eyi Eshineḡba na pfa na tse o kpaghie obo, eḡbo ebubu e ri itobo ona a kphemhi na Eshineḡba. ¹³ Eri akanya ni a gbe na eḡbo eyi Eshineḡba o ri ufumhi na Eshineḡba, o rewe kueghie Eshineḡba. Ona o rokhasē khi eni e mie usomhi onete oyi iKirisiti suo a khi, ni a ri oni usomhi gbe akanya, abi a li li okpokhe na we ali eḡbo elese. ¹⁴ Inono ni e rote ekelemhi udu mholi na e, e te e so iromhi na e, itobo ikhivose ni Eshineḡba o re e khivose na we. ¹⁵ Awa ke kphemhi na Eshineḡba shi isomhopfa oyoli ni unu o a doḡe ngme pfo.

10

IPolu o ri akanya aghiusomhi oyoli lo eḡbo eso

¹ Eri a roli shi khi eri mhia pfō ini mhi la odalo oye e nu e ngme, ama ini mhi aa nu e migha, mhi nu e e ngme ingmemhi ni e ze. Mena, mhi lema e a ri eso shi mhe eke, irari khi eḡbegbi iKirisiti lue o, ona ipfomhe ali ikuegbe-a o khi. ² Eḡbo eghuo e lie khi eri mhia ngeli abi eḡbo na agbo ee li. Irarigho mhi ya ri uruli ni o ze nu we ngme emini mhi nu we ya ngme ini mhi bhale. A kpekpe a khi yese mhe ligho ngeli deba e. ³ Irari khi ini o ri rie khia khi elemhi agbo anye la, anye ea ya kholi abi eḡbo na agbo e lie kholi. ⁴ Irari khi itsua okholi eyanye, ea khi eni aa me alo gbugbugbu,

† **9:10** Li ze Aza 55.10

ama obọ oyi Ẹshinẹgba e te bhale. E mhọli itoto ni e rọ doḅe ẹ guoḡhọ ekpabọ itoto oyi ọkphaghie-a. Anye ẹ guoḡhọ ekhako-a,⁵ ali isamhi ighagha nya-a, ni ẹ khi ọzuode, ni e ti egbewe nga a doḅe ileḅe eyi Ẹshinẹgba. Anye ẹ mu isamhi ebe nya iko, anye rewe ẹ nyese ukhomhi na iKirisiti.⁶ Anye mu egbe ni anye rọ ya na umha-sueso nya osoli ini isueso-negbe oyeḅe o gba se.

⁷ Ọa khi abi emhi o li ọdagbe a lie bino ọli? Onḡe ẹ ọkhoghuo ọ la ọ ni ọọ lu egbọli onayi iKirisiti, ọ gbo sa ingme egbọli bino, irari khi ọyi iKirisiti anye li khi abi lọli ọli khi ọyi iKirisiti.⁸ Omama ọa ya mu mhe shi ọ, ini mhi rie tonon obọ udu doḅe oḅe shi afu ni Onomhue ọ rọ na mhe, mhi rọ kpaghie ẹ obọ, ni ọa khi oni a rọ yese ẹ.⁹ Mhi aa nono ni mhi li abine khi eri mhi ri ebe ni mhi keke ẹ nyamhise ẹ alo.¹⁰ Irari khi eri egbo eghuo ẹ lie khi, ebe eyi iPolu e ma kọ doḅe, ama ini ọ nu awa la ana ọ pfo-a, ingmemhi eyoli ẹa ke mu ame.¹¹ A ze egbo eghoghọ leḅe khi emini anye keke shi ebe ini anye ẹa la agho, khi wewe anye gbolo ẹ rieḅe, ini anye bhale migha.

¹² Anye ẹa gbudu ya ri egbe anye khokho eni ẹḅe titi egbe we. Irari khi eni eri e ri egbewe mhesẹ egbewe, ni e ri egbewe khokho egbewe, eyeḡhe e khi.¹³ Ama anye ẹa ya tonon obọ udu da oḅe, ama ashini Ẹshinẹgba ọ ri afu na anye ramhi anye ya tonon obọ udu ramhi, ikhi akanya ni anye gbe ni o ramhi ẹ egbe.¹⁴ Anye ẹa ya titi egbe anye doḅe ashini anye kha titi egbe anye ramhi, irari khi anye e mema rue usomhi onete oyi iKirisiti bhale ghi ẹ, ni a ga leḅe gboo.¹⁵ Anye ẹa ya ri ikanya ni egboḅe e gbe ke tonon obọ udu abine khi anye gbe

wẹ. Ochoghọ eri anye ri udu shi khi irudunga oye ẹ o ya ke nga shi ọ, ni anye gbo doḅe gbe akanya ni e fune iteva oye ẹ, abi Eshinẹgba ọ mhese ọli ni anye. ¹⁶ Ishegho ni anye doḅe tsabo usomhi onete obini eke oboese ni o kpe obo na ẹ, ini anye khi tigbe ri ikanya ni a gbe oboese tono obọ udu.

¹⁷ Oni ọọ tono obọ udu, ọ ke ri emini Onomhue ọ riẹle tono obọ udu.* ¹⁸ Irari khi ọa khi oni ọ ti egbe ọli nga egbo ẹẹ mie khi ọ ti, ama oni Onomhue ọ mie, ọ khi oni a mie.

11

IPolu ali ighiusomhi na kepe eyi egbhọli

¹ Mhi lema ẹ a kpepe a roshẹka ri egbe mie oyeghe oyemhe ukuku ọ tse! ² Ingme oye ọ ma mu mhe egbe gba abi o li mu Eshinẹgba egbe, itobo khi eri a li abi omueshi ni ọa me omose ghue, ni mhi she ro nga na omose oghuo, ikhi iKirisiti. ³ Ulishi ọọ mu mhe ini a ya yese ẹ udu-a ali khi a ya tsua inono na tselele ni a mhọli na iKirisiti pfi, ezeze abi enye ọ li ri ikpamhika eyọli di Iivu.* ⁴ Irari khi ini ogboese o bhale deba ẹ ya ri iJesu olese tse abo ye ẹ, ni mhia ro tsabo ye ẹ ghue, okekha khi ayemhe olese ni o khi ọda shi oni a kpe mie, a ke mie, okekha usomhi onete olese ni o khi ọda shi oni a kpe mie a ke mie, eri a mema nyanya mie ọli.

⁵ Mhi aa sa khi mhi kpọ doḅe ighiusomhi na kepe ena aakemeghue eye ẹ ni e ghọ mu ẹ ọlo egho. ⁶ Ini o ri riẹ khia khi ungemhi ọa lolo bie shi mhe unu, mhia khi oni ọa lese ebe. Anye she ri ona lo ẹ eso gboo, odekhode.

* **10:17** Li ze ijere 9.24 * **11:3** Li ze Igbae 3.1-5,13

⁷ Eri mhi ri ona lamhẹ ni mhi aa rọọ khi oki nga ẹ ike abi mhi rọ gue usomhi onete oyi Eshinegba ye ẹ? Ni mhi rọ ri egbe mhẹ tiemhie ekẹ ni mhi rọ rẹ ẹ fu? ⁸ Igbaa nya eyi eni e mie iJesu iKirisiti suọ elese ee fali mhẹ ota abi mhi rọ la iteva oye ẹ gbe akanya. Mhi mie wẹ rọ zuse na ẹ. ⁹ Abi mhi rọ la aye ẹ, mhi aa ri ingme ukpaghọ nase ẹ, inyoghuo awa ni e rọte iMasidonia bhale e tsua emhikpa ni mhi i nono ghi mhẹ. Abi o kpẹ li ookhokho, ni mhi aa kpẹ ri itsua na e tsua ighọ o kie ya li odalo.†
¹⁰ Ini igesikia oyi iKirisiti o da kie la mhẹ egbe ne, ọgbokhoghuo ọa la ọ ni ọ dobe ya khu mhẹ mhi khi ke lina tono obọ udu elemhi ekẹ Akhaya. ¹¹ Ọa khi eri mhi aa nono ingme oye, ini mhi ke da liẹ khi mhi aa nono ni mhi ri itsua na ẹ tsua. Eshinegba ọ leşẹ khi mhi nono ingme oye.

¹² Mhi ya kie ke riẹlẹ emini mhi kie kpẹ riẹlẹ. Eghẹghẹ aghọ, eni ẹẹ nono ni wẹwẹ e liẹ khi ikanya eyewẹ ali eyanye khi abeghuo e li, ni mhi rọli khi wẹ unu-a. ¹³ Emọse eghoghọ, ighiusomhi na keẹ eyi ẹgbhọli e khi, ni e ri ikanya ni ẹ gbe ẹ lono ẹgbhọli, ni ẹẹ li ẹgbọ ikokoalo, ni e ri egbe wẹ shi khi ighiusomhi na keẹ eyi iKirisiti wẹwẹ e khi. ¹⁴ Ọa ke khi emini áá khọkhọ, irari khi eri okphaghie ọ ri ẹgbọli mele aḡeni oyi ákpá a li ẹgbọ ikokoalo. ¹⁵ Irarighọ, ọa khi emhi oshabọ ini ighiusomhi eyọli, ẹẹ li ikokoalo ri egbewẹ mele ighiusomhi ni e migha shi ipfuase. Ikpukhokho, e ya mẹ iso-ẹzo oyewẹ mie.

Osoli ni iPọlu ọ mẹ na iKirisiti

† **11:9** Li zẹ iFili 4.15-18

16 Mhi gbo ngme ọli, ọgbọkhọghuo ọ khi sa khi ọyẹghẹ mhi khi, ama ini u ke lighọ sa, kie lighọ mie mhe abi ọyẹghẹ, ni mhi mẹ emhi rọ ke neta ọmọse. 17 Ama ọa khi emini Ọnọmhuẹ ọ kha liẹ mhi ngme mhia ngme memena. Eri mhi ga ngme abi ọyẹghẹ elemhi ingme ineta ọmọse ona. 18 Aborọkhia khi ẹgboese e ri emini e riẹlẹ ẹẹ neta ọmọse eghọ, mhi ya li lana lighọ. 19 Ilesingme dọse ọyẹẹ o zẹ ni a rọ ri oghẹlẹ mie eyẹghẹ shi iteva ọyẹẹ ena! 20 Egbọ ni ẹẹ mu ẹ ighumha, ni e ri ikpamhika do ẹ ighiatio, ni e rẹẹ le emhi, ni e ri ukpeloe e gbe ẹ e gbo pfi ima shi ẹ alo, wẹwẹ áá mie. 21 Omama o khi, ni mhi rọ liẹ khi eri anye pfọ alo-a, ni anye a rọ lina ngeli deba ẹ.

O kha khia khi onete o khi ni eni ighiusomhi eyi ẹgbhọli eghọ e rọ ke neta ọmọse shi emhi afuẹ ni ẹẹ riẹlẹ deba ẹ, mhi ya li nu wẹ la ana neta ọmọse. Ama a rọli shi udu khi ọgbọ ni ọọ neta ọmọse shi angeli oghọghọ, khi ọyẹghẹ ọ khi.

22 Ghe khe, e khe khi Iburu wẹwẹ e khi, Iburu mhi li khi, ẹẹ khi iZireni wẹwẹ e khi, iZireni mhi li khi. Imimi Aburaamu ni e khi, lọli mhi li khi. 23 Ighiusomhi eyi iKirisiti ẹẹ khi wẹwẹ e khi? Mhi la ana ya li ọyẹghẹ! Mhi ga ti dọse wẹ e! Mhi ga gbe akanya dọse wẹ. Mhi la owa ighumha itingme ni e bu ne, iti-ingmẹ ni a gbe mhe itali e bu dọse eyẹwẹ. Iti-ingmẹ ni eghuli o kha gbe mhe e bu ne.† 24 Agbhagbhamhi ishe ẹgbọ iJu e gbe mhe itali oghuo ọa la egbhuẹva.‡ 25 Itese ẹgbọ iRomu e gbe mhe ikpokpo, a tono mhe eche utoghuo. Itese ọkọ oke oniẹmhi ni mhi lo e kulue, ogbeleghuo ali

† 11:23 Li zẹ Ika 16.23 § 11:24 Li zẹ iDeut 25.3

ẹliyọsẹ nya mhi la ukhomhi okẹ oniẹmhi, ni o tsua mhe gase, ni mhia me abi mhi li kia.* ²⁶ Iti ingmingme mhi ye asha, ni mhi kha ri egbe na okẹ oniẹmhi ali ighiatọ gbe-a, mhi gbo la okhe na oyi egbo iJu eyemhe, ali iJeta. Mhi li la egbegbi okhe na elemhi ifui apfe, mhi la okhe na odagbe ifufu, mhi la okhe na ukhomhi okẹ oniẹmhi, mhi gbo la okhe na oyi egbo eghuo, ni e li abi eni e mie Onomhue suo.† ²⁷ Eghẹghẹ kpa mhi ro la irosheka ali akanya agbeghua, mhia me olesẹ lesẹ ele-iyose eni e bu, okiamhi ali okiamẹ o gbe mhe. Eminale eyemhe e pfo mhe isheghuo, isheghuo ulili o gbe mhe, mhi aa me itsua so. ²⁸ Ini a ri obọ ri egho shi eke, ogbelekpa usamhi ni mhi sa shi ingme oyi igbaa nya eyi eni e mie iJesu iKirisiti suo o ro nase mhe. ²⁹ Oghuo o famhi losẹ ni ọa li pfi olosemhe na mhe? Abi khi ogbokhoghuo o lamhe olamhe ni ọa ri egbe lala mhe?

³⁰ Ini mhi riẹ neta omose, emini e ri olosemhe oyemhe ya khasẹ mhi ro ya neta omose.

³¹ Eshinegba ita Onomhue iJesu o lese khi ọa khi egholi mhia lo. Ikhivose khi eva oyoli agboagbo

³² Abi mhi ro la eoli iDamasikosi, eri igovunọ ni o gbe akanya deba oghie Aretasi o ri idogeli kpe khe mhe ode unuekpe ni a te lo oni eoli, ni e ba gba mhe mu. ³³ Ama eri ogbo rue mhe pfilo ugi rote okele ni o la ugbe ni a khi gase oni eoli bena tiemhi, ni mhi ro me asha na vu.‡

12

* **11:25** Li ze Ika 16.22; 14.19 † **11:26** Li ze Ika 9.23; 14.15

‡ **11:33** Li ze Ika 9.23-25

Irokhase ni iPolu o me

¹ Mhi ya kie ke neta omose, ama, mhi lese khi o a mholi eleli ni o ro o bhale. Irarigho ingme imeke ali irokhase ni Onomhue o ro na mhe mhi ke ya ke ngme nga memena. ² Mhi lese omose oghuo ni o la elemhi iKirisiti ni a rue je idane agbhagbhamhi onuzi-ese, oonokpe-igbene. Ini elemhi idiegbe o la o, ini o a khi elemhi idiegbe o, mhia lese. Ama Eshinegba o lese. ³ Abi mhi ngme, mhie khi Eshinegba tse o lese ini elemhi idiegbe o la, ini o a la elemhi idiegbe. ⁴ Eri a rue oli eke-a zai, ya nga Apfe oyi Eshinegba na iloghie. O suo emini ea ze ya guele, ni aa ya lama shi a gbudu ngme unu le. ⁵ Oni omose ogho mhi ro ya neta omose. Ama mhia ya ri egbemhe neta omose, see ni umha mhue ekpabo oyemhe. ⁶ Ini mhi ri rie neta omose, mhia ya riele ingme oyeghe, itobo khi igesikia mhia ngme tse. Mhi ya roshaka ini mhi khi ngme da ode. Egheghe agho ongee okhoghuo o a ya timhe nga dose abi a kha timhe nga ramhi, rote emini a me khi mhi riele ali emini a suo khi mhi ngme.

⁷ Eri a ri emini o li abi ugba ni o ya ke nase mhe shi mhe egbe ni o khi aghiusomhi oyi okphaghie, ini mhi khi vuse ike dose shi irokhase ebubu ni mhi me. ⁸ Itese mhi lema Eshinegba o mie mhe oni emhi anasemhe ona pfi-a. ⁹ Ama emini o ro so mhe o khi, "Ekpabo eyemhe o she bu e, irari khi ini o lose, lolu ekpabo eyemhe e ro me asha ri egbe e khase." Irarigho mhi ro ri oghela ri olosemhe oyemhe ya neta omose, ni ekpabo eyi iKirisiti e me asha remhe gbe akanya. ¹⁰ Ini mhi mhue olosemhe, ali ni a ro tsue mhe, ali ni mhi ro la umhame ali ni a ro mu okholi vule shi mhe o, ali ni mhi ro mholi iyese-

udu-a, o kha da khi itobo oyi iKirisiti, eri o ri egbe e mu mhe. Irari khi ini o lose mhe, loli mhi ro mholi itoto.

Ingme oyi egbo iKoriti o mu iPolu egbe

¹¹ Eri mhi chi ooyeghe-a, ama ee a yese mhe e chi oli-a. Ee a kha ke titi mhe. Ini mhi aa ririe khi emhi khoghuo, mhia mhe emhikhoghuo ni mhi te kpo dose eni a lui, "Ighiusomhi na kee ena aakemeghue." ¹² Elemhi iregbemie osoli, mhi ro la iteva oyeegbe rielegbe onyaloa ali oshabo ni o rokhase khi aghiusomhi na kee oyi iKirisiti mhi khi. ¹³ Eri ikhivose ni igbaa nya eyi eni e mie iJesu iKirisiti suo elese e me mie o de e unu-a? Abi mhi aa li ri ingme ikpaghio ukpagho nase e lo? A kpekpe, a ro topfa mhe shi o.

¹⁴ Utonuzese na ni mhi ro mu egbe ni mhi ro bhale ya bino e. Mhi aa ya mhila e emhi khoghuo. Ee oyeegbe mhia nono, o a khi ukpagho oyeegbe. O a kpe khi eniye e ri emhi na eni e bia we e le, ama eni e bia eniye e ri emhi na we e le. ¹⁵ Irarigho, mhi ro ya ri oghel e ri ukpagho ni mhi mholi nya ali mhemhe nya na e, ro kpaghie e obo. Inono onikeke a ya mholi deba mhe ini mhi mholi inono oniemhi na e?

¹⁶ A lama shi o khi mhi aa khi itsua na e ni aa tsua. Ama egbo eghuo e ya lie khi ikpamhika mhi ro ri egbholi di e mu. ¹⁷ Eri mhi ri egbo ni mhi ghie ghi e mu e ma eke? ¹⁸ Eri mhi lema iTatosi o ke le, miehinyoghuo awa onokpole o kphase oli. Eri a ya lie khi eri iTatosi o mu e ma eke? O a fe ligho. Abi khi aa lese khi usamhi oghuo mhemhe ali loli anye mholi shi udu ni anye ro rielegbe emini mhemhe ali loli anye ga rielegbe?

¹⁹ Otse eri a dabi khi eri anye kie kpe roshaka ke khe egbe anye shi eke odalo oye e. Oa khi igho. Ama abi iKirisiti o nono ni anye li ngme, anye li odalo oyi Eshinegba. Emole, eri anye riefe emini anye riefe nya ro kpaghie e obo. ²⁰ Egbe limhe khi ini mhi ramhi agho khi mhia ya bhale ya me e shi abi mhia nono ni a li, ali khi aa ya me mhe abi a nono ni mhi li. Ulishi oo mu mhe khi mhi ya bhale ya e shi uwola ali ubogbo, ali udu ni oo to, ali ukphe, ali ikemhi ikui-iku, ali iyese egbe eva-a, ali ineta, ali itipfuabo-nga, ali ozughu iteva oye. ²¹ Egbe limhe khi ini mhi ke bhale, khi Eshinegba o ya ri omama mu mhe odalo oye. Mhi ya vie na ebubu e ni ea kie rote agbo olamhe oyewe mupfi lasele. Ni a kie la angeli efiala, ikhi usamhi irumheba, ali olamhe ighue imumu.

13

Itse-agua ali otse enekpukhokho

¹ Utonuzese na ni mhia bhale ya bino e. Abi Ebe-no-pfuase o ngme ni oo, "Osele eva, okekhi ese, a ro o mu ma ingme, ni a ro so ez."* ² Mhi kpe tse agua ye e, ee ni a kpe lamhe olamhe, ali egboese eni e kpole nya. Mhi kpe ngme oli ibhale onuzi-eva oyemhe. Memena, mhi gbo ngme oli abi mhi la oboese, mhi tse agua khi ini mhi gbo bhale khi mhi aa ya ze we obo khi mhi aa na we osoli. ³ Onana o ya rokhase e khi iKirisiti mhi ngme e na. Ini o sese e ingme se, a ro ya lese khi o mholi ekpabo iteva oye. ⁴ Ini o ri rie khia khi oa mhue itoto abi a ro tali ma apfida gbe-a, ekpabo oyi Eshinegba o ro a la

* **13:1** Li ze iDeut 17.6; 19.15

agbọ. Eri awa aa li mhue itoto abi iKirisiti. Ama a ya me ọli khi anye ya ri ekpabọ oyi Eshinegba la agbọ, ezeze abi iJesu ọ li, ni anye ro ga e.

⁵ A mhesẹ egbe e bie bino ni a me ini a kie la elemhi irudunga oye e. Ini a mhesẹ egbe e bino ni a ro me khi iJesu iKirisiti ọa la agbọ oye, a lese khi a she de oni imhesẹbino. ⁶ Mhi lese khi a ya me ọli me khi anye ẹa de oni imhesẹbino. ⁷ Anye lema Eshinegba, a khi rieḷe do-a. Ona ọa khi ni anye ro rokhase khi anye she me emini anye e nono mu mhue, ama ni o re e ke rieḷe emini e gbe akanya ini anye rie li abi eni de. ⁸ Irari khi anye ẹa ya rieḷe emini o mu okhọli vule shi igesikia o, ama emini o ya mu igesikia mhue anye ya rieḷe. ⁹ Egbe ma mu anye, ini o lose anye ni ee a ro mholi itoto. Igho anye gbo lie so iromhi Eshinegba o re e ke ngeli shi egheghe, abi o nono ni a li ke ngeli. ¹⁰ Loli o ze khi mhia keke ebe ona abi mhia ro nu e la oobọ ena. Igho lo, ini mhi khi roli ze mu e, ini mhi bhale deba e. Irari khi eri mhia nono ni mhi ri afu ni Onomhue o ro na mhe gbe akanya, ni mhi ro kpaghie e obọ, ni ọa khi ni mhi ro bighi e de.

¹¹ Ni mhi ro gbe ọli ukhomhi inyoghuo-mhe, Okhila! A mu udu oye e pfi, a suọ olema oyemhe, a lama shi egbe e o, a ri opfomhe nu egbe ke la. Eghẹghe agho ni Eshinegba na inono ali opfomhe o nu e la.

¹² A ke tse egbe egbegbi otse, a ghele mu egbe.

¹³ Egbo eyi Eshinegba nya ee tse e.

¹⁴ Okhale oyi iJesu iKirisiti Onomhue, ali inono oyi Eshinegba, ali iregbemu onayi Ayemhe-nopfuase, e ka nu ee nya la.

Ebe-No-Pfuase Ishobo Onogbo
New Testament in Ivbie North-Okpela-Arhe
(NI:atg:Ivbie North-Okpela-Arhe)

copyright © 2012 Wycliffe Bible Translators, Inc.

Language: Ivbie North-Okpela-Arhe

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789194797

The New Testament

in Ivbie North-Okpela-Arhe

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 11 Nov 2022 from source files
dated 29 Jan 2022

03be06b0-68fd-500b-b9a9-6bca4b63979a